



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

10 APRIL 2022 (AHAD)



KEMENTERIAN PERDAGANGAN DALAM NEGERI
DAN HAL EHRAH PENGOLINA

KERATAN AKHBAR DAN MEDIA ONLINE (KPDNHEP)

10 APRIL 2022 (AHAD)

Peniaga ayam enggan dedah pemborong bekalan

Bimbang risiko bakal tidak dapat bekalan jika beri nama

Oleh Rohanita Idris dan Baharom Bakar
bhnews@bh.com.my

Kuala Terengganu: Sebilangan peniaga ayam di beberapa pasar utama sekitar negeri ini enggan mendedahkan nama pemborong bekalan, walaupun bakal dikenakan tindakan kerana menjual barangan keperluan itu melebihi harga ditetapkan.

Ini kerana beberapa peniaga yang ditemui bimbang terhadap risiko yang bakal dihadapi sehingga tidak mendapat bekalan ayam jika mendedahkan nama pihak terbabit.

Seorang peniaga ayam, Saiful Ngah, 47, berharap kerajaan mengambil tindakan tegas terhadap penternak peringkat ladang dan bukan hanya ke atas pemborong dan peniaga.

"Kami tak nak dedahkan nama pembekal atau menunjukkan resit pembelian kerana ia macam menjerat diri sendiri.

"Walaupun bakal berdepan tindakan kerana menjual ayam segar melebihi RM8.90 sekilogram yang ditetapkan kerajaan, kami tidak akan mendedahkan nama pembekal," katanya.

Pemborong ayam segar yang hanya mahu dikenali sebagai Pok Lang, mendakwa ayam hidup pada peringkat ladang dijual pada harga RM6.80 sekilogram, berbanding RM5.60 sekilogram yang ditetapkan.

"Memang kami menjual ayam sudah diproses kepada peniaga antara RM8.50 hingga RM8.70 sekilogram selepas menolak kos pengangkutan dan kerja pemberian," katanya.

Pok Lang tidak menyalahkan tindakan petugas Kementerian Perdagangan Dalam Negeri dan Hal Ehwal Pengguna (KPDNHEP) dalam melaksanakan penguatkuasaan tetapi meminta siasatan terperinci dibuat berhubung isu harga jualan ayam hidup di peringkat ladang.

"Kami juga bertekad tidak akan mendedahkan nama syarikat pembekal kepada KPDNHEP walaupun bakal dikenakan tindakan kerana menjual ayam peringkat borong melebihi harga RM7.60 sekilogram yang ditetapkan.

Katanya, pengalaman pembekal enggan menghantar stok ke-

rana mendedahkan nama syarikatnya lebih 10 tahun lalu, cukup memeritkan selepas beliau mengemukakan resit pembelian kepada KPDNHEP ketika krisis kenaikan harga ayam.

Di Kuala Lumpur, Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid, berkata Akta Kawalan Bekalan 1961 akan ditambah baik untuk memperketat penguatkuasaan dan menangani ketirisan petrol bersubsidi kepada warga asing.

Katanya, cadangan itu antara aspek dibincangkan dalam mesyuarat, kementerian.

Beliau berkata, antara yang dikaji ialah peraturan keluasan kawasan yang dibenarkan bagi kenderaan asing mengisi minyak di negeri bersempadan negara jiran.

"Kita mahu memantapkan Akta Kawalan Bekalan sedia ada dan lebih tegas terhadap penjual yang membenarkan warga asing membeli petrol bersubsidi.

"Ada beberapa peraturan akan diketatkan dalam akta berkenaan supaya barang dikawal termasuk minyak bersubsidi tidak disalah guna," katanya selepas melawat Tapak Bazar Ramadan @ TLK Taman Tasik Permaisuri, di sini semalam.

Mengenai kenaikan harga ayam, Rosol berkata, siasatan

Perbandingan harga barangan keperluan di beberapa negeri pada 9 April 2022

HARGA AYAM

Sarawak	RM7.00	-	RM11.00
Selangor	RM6.99	-	RM8.90
Johor	RM6.99	-	RM11.00
Kedah	RM8.50	-	RM8.90

HARGA TELUR (IKUT GRED)

Sarawak	RM12.20	-	RM13.50
Selangor	RM11.70	-	RM12.90
Johor	RM11.70	-	RM12.90
Kedah	RM11.60	-	RM14.30

HARGA TEPUNG GANDUM

Sarawak	RM2.50	-	RM4.30
Selangor	RM2.15	-	RM3.11
Johor	RM2.50	-	RM4.00
Kedah	RM2.90	-	RM3.20

HARGA GULA

Sarawak	RM2.79	-	RM2.95
Selangor	RM2.85	-	
Johor	RM2.85	-	RM2.95
Kedah	RM2.85	-	

HARGA SUSU PEKAT

Sarawak	RM3.49	-	RM4.00
Selangor	RM2.29	-	RM3.50
Johor	RM2.50	-	RM4.30
Kedah	RM2.60	-	RM3.50

mendapati ada ladang menjual lebih tinggi daripada harga ditetapkan.

Katanya, kerajaan menetapkan harga ayam di ladang RM5.60 sekilogram tetapi ada pembekal menjualnya RM6.30, membuatkan pemborong menjual lebih tinggi kepada peruncit.

"Di sesetengah tempat, pemborong menjual RM8.70 kepada peruncit, memaksa peruncit menjual pada harga RM9.30, berbanding harga ditetapkan RM8.90," katanya.

Rosol berkata, penguat kuasa KPDNHEP tidak akan membiarkan ia berlarutan dan 88 kes diambil tindakan membabitkan kenaikan harga ayam di bawah Ops Pantau sejak 3 April lalu.

Daripada jumlah itu, katanya, empat tindakan dikenakan terhadap pengeluar, 13 kes membabitkan peringkat borong dan 71 kes membabitkan peruncit.



Minyak masak paket di beberapa lokasi habis

Johor Bahru: Minyak masak paket bersubsidi yang dijual pada harga RM2.50 sekilogram habis di beberapa lokasi bandar raya ini sejak dua minggu lalu.

Tinjauan di Tampoi dan Pandan di sini, mendapati beberapa kedai dan pasar raya mendakwa, kehabisan stok minyak masak paket - berikutan permintaan yang tinggi dan bekalan yang tidak banyak.

Pekerja sebuah kedai di Tampoi yang mahu dikenali sebagai Nizam, 27, berkata bekalan minyak masak paket satu kilogram (kg) yang tidak konsisten menyebabkan bekalan bahan itu terputus sejak dua minggu lalu.

"Minyak masak paket satu kg memang jadi rebutan sejak dulu, namun bekalannya sudah terputus sejak dua minggu lalu menyebabkan pelanggan marah.

"Kebiasaannya, majikan membuat pesanan dua kotak besar minyak masak paket setiap dua hari, namun sejak dua minggu lalu ia belum lagi dihantar, bila majikan saya minta untuk beli lebih pun pembekal kata tiada.

"Pembekal mendakwa stok tiada, selain menyatakan mereka terima permintaan lebih tinggi daripada biasa sejak beberapa bulan lalu dan tidak dapat memenuhi permintaan yang tinggi," katanya ketika ditemui.

Pengguna, Alias Mohamed, 44, berkata kehabisan minyak masak paket menyebabkan beliau terpaksa membeli minyak masak botol yang lebih mahal.

"Saya terbeban kerana minyak botol terlalu mahal, apatah lagi saya belum mendapat pekerjaan baharu selepas diberhentikan kerja.



Orang ramai terpaksa membeli minyak masak dalam botol berikutan minyak masak paket bersubsidi dikesan habis di beberapa lokasi utama di Johor Bahru.
(Foto Nur Aisyah Mazalan /BH)

"Kini terpaksa beli minyak masak botol apabila tidak dapat beli minyak masak paket yang tiada di pasaran. Banyak kedai saya sudah pergi, namun semuanya

tiada bekalan," katanya.

Sementara itu, Pengarah Kementerian Perdagangan Dalam Negeri dan Hal Ehwal Pengguna (KPDNHEP) Johor, Mohd Hairul

Anuar Bohro, berkata pemeriksaan yang dibuat pihaknya mendapati stok minyak masak paket bersubsidi sepatutnya mencukupi.

KERANA TERPAKSA

Oleh Baharom Bakar
am@hmetro.com.my

Kuala Terengganu

Peniaga ayam tekad enggan dedah nama pemborong walaupun dikenakan tindakan

Peniaga ayam di beberapa pasar utama di negeri ini bertekad tidak mendedahkan nama pemborong walaupun bakal dikenakan tindakan kerana menjual harga ayam melebihi harga ditetapkan.

Beberapa peniaga ketika ditemui mengakui pendedahan nama pembekal akan mengakibatkan mereka diboikot dan tidak mendapat bekalan.

Peniaga ayam, Saiful Ngah, 47, menggesa kerajaan mengambil tindakan tegas kepada penternak di peringkat ladang dan bukannya ke atas pemborong serta peniaga.

"Kami bertekad tidak mendedahkan nama pembekal termasuk menunjukkan resit pembelian kerana

ia menjerat diri sendiri.

"Walaupun bakal berhadapan pelbagai tindakan kerana menjual ayam segar melebihi harga ditetapkan kerajaan iaitu RM8.90 sekilogram, tetapi kami tetap tidak akan mendedahkan nama pembekal," katanya.

Sementara itu, seorang pemborong ayam segar dikenali dengan nama Pok Lang berkata, harga ayam hidup di peringkat ladang dijual kepada pembekal sebanyak RM6.80 sekilogram iaitu melebihi harga ditetapkan berjumlah RM5.60 sekilogram.

Katanya, penternak memberi alasan terpaksa menaikkan harga ayam

hidup susulan peningkatan harga makanan.

"Kami mengakui terpaksa menjual ayam sudah diproses kepada peniaga pada harga RM8.50 dan RM8.70 sekilogram selepas menolak kos pengangkutan dan kerja pembersihan.

"Kami terpaksa mengambil bekalan ayam hidup di Segamat, Johor dan Kuantan, Pahang setiap hari," katanya.

Ketika mengulas tindakan akan dikenakan kerajaan, Pok Lang berkata, dia tidak menyalahkan pegawai penguat kuasa Kementerian Perdagangan Dalam

negeri dan Hal Pengguna (KPDNHEP), sebaliknya

menggesa kerajaan menyiasat secara terperinci harga jualan ayam hidup di peringkat ladang.

"Kita juga bertekad tidak akan mendedahkan nama dan syarikat pemborong kepada KPDNHEP walaupun bakal dikenakan tindakan kerana menjual ayam di peringkat borong melebihi harga ditetapkan iaitu RM7.60 sekilogram.

"Pengalaman apabila pemborong enggan menghantar bekalan kerana mendedahkan nama syarikatnya lebih 10 tahun lalu cukup memeritkan selepas mengemukakan resit pembelian kepada KPDNHEP ketika berlaku krisis kenaikan harga ayam," katanya yang diboikot enam bulan oleh pembekal utama di Segamat dan Kuantan.

Dedah nama pembekal akibatkan peniaga diboikot dan tidak mendapat bekalan

Johor Bahru: Pengguna di beberapa lokasi di bandar raya ini mendakwa minyak masak peket bersubsidi yang dijual dengan harga RM2.50 sekilogram habis sejak dua minggu lalu.

Tinjauan di Tampoi dan Pandan di sini, mendapati beberapa kedai serta pasar raya mendakwa kehabisan stok minyak masak peket berikutan permintaan yang tinggi dan bekalan tidak banyak.

Pekerja kedai runcit di Tampoi yang mahu dikenali sebagai Nizam, 27, berkata, bekalan minyak masak pe-

2 minggu putus bekalan minyak masak peket

ket satu kilogram yang tidak konsisten menyebabkan bekalan bahan itu terputus sejak dua minggu lalu.

"Minyak masak peket satu kilogram memang menjadi rebutan sejak dulu namun bekalannya sudah terputus sejak dua minggu lalu menyebabkan pelanggan marah.

"Kebiasaannya majikan membuat pesanan dua ko-

tak besar minyak masak peket setiap dua hari, namun sejak dua minggu lalu bekalan belum lagi dihantar, bila majikan saya minta untuk beli lebih pun pembekal kata tiada.

"Pembekal mendakwa stok tiada selain menyatakan mereka menerima permintaan lebih tinggi dari biasa sejak beberapa bulan lalu dan tidak dapat me-

enuhi permintaan yang tinggi," katanya.

Sementara itu, pengguna, Alias Mohamed, 44, berkata, ketiadaan bekalan minyak masak peket itu menyebabkannya terpaksa membeli minyak masak botol yang lebih mahal.

Dalam pada itu, Pengarah Kementerian Perdagangan Dalam Negeri dan Hal Ehwal Pengguna (KPDNHEP) Johor, Mohd Hairul Anuar Bohro berkata, pemeriksaan yang dibuat agensi itu mendapati stok minyak masak peket bersubsidi sepatutnya mencukupi.

CHICKEN PRICES RISING

Fomca: Unfair to pin the blame on traders

KUALA LUMPUR: It is unfair to blame only traders for the soaring prices of chicken.

Federation of Malaysian Consumers Association deputy president Mohd Yusof Abdul Rahman said the chicken supply chain and sales needed to be scrutinised to determine the causes of the price increase.

He said the Domestic Trade and Consumer Affairs Ministry and Agriculture and Food Industries Ministry should be more aggressive in finding the factors behind the price increase that frequently occurred during festive seasons.



Mohd Yusof Abdul Rahman

He said it was unfair to blame traders as they were also burdened by costs, forcing them to sell chicken beyond the retail ceiling price of RM8.90 per kg to cover operation expenses.

"As a result, consumers are faced with more expensive raw chicken meat and chicken-based dishes," he said.

"Regardless, enforcement has to be done continuously to prevent parties from taking advantage of the situation by jack-
ing up the prices, when the supplies of products in the market are already stable."



Chicken being sold at RM8.80 per kg at Pasar Pagi Pandamaran in Klang on Friday. PIC BY FAIZ ANUAR

Yusof said the surge in demand for chicken had led to some businesses taking advantage of the situation by increasing the prices, especially during Ramadan and Syawal.

He said reports of possible further price increases as Syawal approached would be devastating if they become a reality, especially

for the low- and middle-income groups.

"When there is an increase in demand, the prices of products will be open to manipulation by some people who use various excuses to rationalise their actions, burdening many quarters."

"The government must urgently address this issue as chicken is

still the affordable option compared with the more costly seafood."

He said some traders claimed that they obtained chicken supplies at the same rate as the retail ceiling price of RM8.90 per kg, putting them in a bind as they were unable to cover their costs.

